

南瓜葉

在蜀稱北瓜

碩哉南瓜葉，仰天承雨暘，舒藤蔭大果，食德遍窮鄉。

辣椒恩

俗人無計可消愁，每飯難忘衣食憂，排遣有心吞不下，憑君開胃轉優遊。

蜂對

問君何事爲花忙，鎮日隨風逐粉狂，醉我心田無限意，者番甜蜜非蜂糧。

帶業

帶業何人未得逃，母雞孵卵已披毛，掌中輕啄鄰婆笑，那怕將來受一刀。

### 憐龜

靈息含藏何所求？煙花江上惹人愁，纔探春色逢漁父，應悔平沙偶出頭。

### 鸚哥

某翁就任參議會議長，因吟此警之！

隨聲解向主人歌，如此能言作什麼？多少苦情難自訴，虛名贏得是鸚哥。

### 憐蜂

鎮日穿花過屋簷，刺人曾不費抽添，誰知採得百花蜜，都在他人人口裡甜。

### 憐蠶

作繭纏身已太癡，蛾眉破殼欲何之？荒淫至死不收翼，長此輪回到幾時！

### 憐魚

怪的由貪動念頭，江湖身世付漁鈎，隨人宰割憑刀俎，爭似煙波共月浮！

### 憐雞

起舞無人雞自啼，一場春夢使人迷，明朝馬到新承寵，先殺好啼夜半雞。

### 憐豬

朝暮辛勤三兩餐，掩扉先向豬欄看，愚癡未解王婆意，猶自貪眠不覺胖。

### 憐牛

豐盈數畝秋收後，叱咤一犁春雨時，一一牧童能記取，牽牛赴宰路遲遲！

憐馬

快蹄汗鬣已爭先，猶喚車夫猛力鞭，舉起傷痕鞭不下，逼人殘忍是加錢。

處士吟

黃花醉蟹過重陽，處士停杯詠短長，蟹爲橫行遭殺戮，花因隱逸倍芬芳。

雪

似銀似絮似淮鹽，一任旁人信口占，我自從天飛舞下，管教劫火不餘炎。

左手

左手偷閒無所長，辛勤惟是右膀忙，問他究竟有何用？撒手從君一路狂。

### 捉蚤

如理自知捉蚤方，任他跳起莫慌張，一心看到停留處，捉著依然在我床。

### 物理

山能容遠路疑近，水解盈渦海始深，爭似昊天難匹配，包藏萬物總無心。

### 臥犬

儉兒去後少人知，一夜寒風苦自持，晝臥花陰君莫笑，辛勤總在主眠時。

### 拍胸乞丐

唱乞沿街費口唇，椎胸擊節也均勻，非因竹板猶難得，只恨生來有此身。

### 蓮花落

滿街敲唱古和今，一路愁添犬吠音，不是專求施主喜，蓮花落裏自寬心。

### 茅人

守護稻禾莫令傷，風吹撲面不聞香，秋收一任茅人稿，半粒何曾落己腸？  
拚此易枯草草身，頂天立地作茅人，能欺鳥雀人間計，不納稻香世外民。

### 寒鴉

葉落雪飛山路迷，時人不復到花蹊，寒鴉獨愛天光遠，故向枯枝高處啼。

### 秋

坐賞楓林紅滿山，春秋倒看兩斑斕，種桃道士歸何處？無事碧天只管閒。

## 膝

萬里惟君隨我身，坐來一味在求真，未嘗屈爾依人勢，恨不膝前跪乳親。

## 老鴉

翁號白頭德未敷，燕兒春到始南圖，朝朝喚醒人多少，唯有寒鴉得老呼。

## 早樵

只取乾柴火燄高，橫穿柳浪渡松濤，樵夫不愛閒花草，直向枯心樹下刀。

## 老屠

不因頭角妄生憂，剔起眉毛豈小謀，直下無須多伎倆，一刀劈破解全牛。

醉漁

新魚喜得上晴川，活水枯葦正好煎，篷倉酒醉人眠後，狼藉杯盤撇卻筵。

吟隱花植物

無花惹俗情，蜂蝶不相驚，時至也傳種，因風到處生。

乞丐

拋棄折腰五斗臣，沿街乞食有誰親？犬兒先得東家意，只吠清貧檻樓人。

星士吟

算盡窮通都是俗，超凡幾個屬奇局？人間料得極難看，且喜生來已喪目。

## 野犬

到處可安身，餒餘分四鄰，隨緣自放曠，總不吠窮人。

## 天爵

自許名山管領人，松風竹月慣相親，林泉課稅無多事，吩咐百花取次新。

## 光點

塚間磷火山城燈，星斗斑斕最上層，別有香光深處點，輕煙欲捲九霄騰。

## 野犬

野犬長來臥屋前，張牙搖尾兩無緣，清風自在憑誰守，花影不驚任彼眠。

初秋之夜

夜涼如水水如空，人在清風明月中，繞繚飛螢頻過眼，將身也解作燈籠。

鄰犬滿頭著糞

鄰犬今朝糞滿頭，逼人臭氣滿街愁，何當巨富乘車馬，便爾垂涎欲強求。

風翻書史

莫將名色罨胸中，五典三墳理易窮，未若春風能識字，翻來頁頁總成空。

霧

霧籠春色掩花蹊，一片溟濛慘白齊，只有烏鴉啼得好，橫空奮翮破昏迷。

鈎子賊

吾鄉有鈎子賊，以長繩繫鈎拋入人家以取衣物。

不驚人處小施鈎，也遣民生四大愁，羞學老奸談主義，騙來無數少年頭。

西藏乞者

唱盡滄桑多少情，橫穿破落老山城，今朝已飽且休去，一枕風清抱月明。

吟竹

老人禪杖玉人簫，不用旁開細小條，試看修篁新出土，竿頭直上逼雲霄。

木鵝

何用輕搖細唱歌，蓮塘姊妹樂風和，平生不愛女兒態，萬丈高潮一木鵝。

### 念花

無事花前笑幾回，傲霜籬菊久相陪，桃花早已飄零去，又趁寒風望臘梅。

### 燒山

收拾殘年待好還，老農向晚又燒山，蟄虫也解人間苦，早備冬糧學拚關。

### 地德

任人踐踏不驚心，時供米棉亙古今，莫謂不如淨土好，祇園爲佛佈黃金。

### 讚蜂

飛來一直到花心，妙色清香總不侵，採得精華成蜜後，風光未改舊園林。

參觀加耳各答植物園百圍榕樹

旁枝落地又生根，一樹千條佈滿園。誰恤牽連顛倒苦，年年暴雨打傷痕。

午雞恨

驚破癡眠夢裡愁，曾從夜半解人憂，午雞有恨啼難盡，已醒忙人卒未休。

讀蝶

只爲身輕善御風，冥然大樂與空融，穿花蛺蝶工遊戲，不減園林半朵紅。

曉見花開有感

惟見小蜂過幾回，輕煙愛護雨暘培，含苞葉底無人識，一夜春風花盡開。

燕去望空巢有感

何處無緣不可棲，豈圖蜂蜜被花迷，一身容易輕飛去，只剩樑間點點泥。

溫水瓶

學習持身溫水瓶，滿腔熱度喜留停，銀光內斂常明朗，甘露利他養性靈。

仙人掌

誰云漠北便無花，卻有仙人掌上葩，不用甘霖長伴石，頂天含熱立風沙。

雞啼有感

緣起隨時作主張，休偏一點破餘方，雞含五德須圓說，豈止啼聲最久長。

### 唐明皇倡梨園自演三花

明皇何故演三花？肅穆帝王枯到家，一度梨園幽嘿後，渾身活潑樂無涯。

#### 詩意

昔年描寫到松風，月淡泉清恨不工，老去心純情未斷，只將幽嘿寄詩中。

#### 見經旗半破

莫怕身衰齒已搖，辛勤但惜覺途遙，經旗半破離竿遠，猶趁寒風上天飄。

#### 蓮花

蓮花可稱花中王，花果並存理事彰，不似玫瑰徒鬥艷，亭亭無刺有清香。

畫冊

時邀畫冊密過從，美透肌膚到幾重，血肉如能生變化，一身花卉醉羣蜂。

含羞草

雖然不必草含羞，借此開心也遣愁，何用追求膚淺理，從吾所好自相投。

黃芽白菜

心胸雙潤澤，久凍多甜脈，萬綠羣蔬中，孤標霜雪白。

毛板栗

整體何嫌毛，披開似紫膏，紅裳脫落後，玉女最風騷。

## 花生

小帳撐輕紗，紅裙有意遮，披嘗甜且爽，豈蔻梢頭花。

## 美國花多不香

美國諸花缺異香，端緣巧奪碧天光，花魂自絕寒風味，誓不流芳到市場。

## 和平鴿

何期鴿子最親人，只爲曾居聖潔身，一俟干戈消化後，囑天封爾太平神。

耶穌受洗時，天遣鴿子入其身中。

## 玻璃魚缸

玻璃透亮水清明，中有金魚體最輕，活潑天機無罣礙，宛然覺海小模型。

八吉祥物中有雙鯉

妙想天開八吉祥，個中何故有魚王？天真活潑常清醒，不向昏沈死水藏。

龜藏六

莫將漁火作陽光，一露全身便受傷，且學烏龜長壽訣，四肢頭尾盡收藏。

金魚

金魚美尾顯姿嬌，羞問主人故意搖，青草白沙常共處，一缸寒水自逍遙。

桃李

桃李懷春類有情，龜頭陰戶表其形，桃紅早喻村姑面，李白還如小後生。

彈指送臭蟲於窗外草坪

雖具滿腔血，朝朝帳角鬱，送君彈指禪，贏取法身佛。

見馬頭繫鈴有感

首飾千金累馬頭，垂鈴有響總添愁，世間榮耀都如是，天岸無羈便自由。

水恩 二首

耐得洪爐百度開，散寒除熱順醫才，盈科再進成深海，無怪聖賢嘆水哉。  
冷水蹲浸去痔瘡，囊貯熱氣見諸方，血難行處能推動，不息教人解自強。

蓮子

上承端午正陽光，下挹陰精肥水塘，果徹因源花繞子，金剛勝樂在中央。



## 關俗類

### 破養兒待老

前後所作共十七首

老態頽唐孰爲憐？最嫌涕淚并饑涎；每逢星土忙相問，不死阿姑活幾年？  
王婆一世爲兒忙，贏得子孫鬧滿堂，兄弟分居娘獨立，挨家派送冷茶湯。  
養兒爲媳得眉齊，養女替人先養妻，兒已完婚女已嫁，活埋只欠一堆泥。  
大哥婚後不呼娘，時見二哥立母旁，偏是小兒猶解笑，明朝二嫂也剛強。  
大哥二嫂都欺娘，剩有三兒膝下香，但覺伶俐猶可喜，不知婚後也猖狂。  
依次望兒報老娘，小兒更比大兒強，可憐個個懷胎苦，一憶一兒一斷腸。  
活埋一個苦王婆，開口便招子媳磨，不說阿娘經驗富，但嫌年老話偏多。  
老淚淒然滴兩行，寡居誰復與商量？討嫌莫若不開口，眼看兒孫鬧滿堂。  
當年也未孝公婆，風木傷心事已過，臨老子孫多忤逆，何如獨自唸彌陀。

豈無事實敢荒唐，寫在毫端痛在腸，看破人情都若是，何須劈面自身當。  
老婆新齒又生根，無事鄰家讚好言，偏是親人多異說，謂當喫盡彼兒孫。  
掌中啄食未曾肥，臨老無人反哺饑，孰謂膝前原有子，偕妻奮翮已高飛。  
埋嬰送乳趁寒風，反哺何人惜老翁，多少祖墳荒草裡，千秋泣墓一王公。

王哀母生前怕雷。王聞雷即逸墓前曰：「兒在此！兒在此！」

老娘八十苦難言，自恨當初添子孫，相處滿堂唯望死，有誰含哺報深恩？  
住腹常餐血，能言解索錢，於今娶婦去，誰事老娘邊？

就濕推乾達五更，小兒長大已忘情！求來科學無他技，但說老娘不衛生。  
忍逆天倫亂吐辭，凡情大抵本如斯，幾多村落街頭婦，指罵順妻滅母兒。

### 蓉城安逸

四座風生三寸舌，百年浪擲一杯茶，明朝未死且相約，不醉無歸小酒家。

蓉城車夫，口頭亦流露安逸二字，士大夫無不終日坐茶館中。前二句一聯耳，其後偶遇酒店取《禮記》「不醉無歸」而加「小酒家」額其門，因就聯而足成此詩。小餐亦當地特習。

### 破貪

千載田經八百主，一人口插幾張匙，西村昨夜爭遺產，擱置含聲未冷尸。

### 焉用貪

鷓鴣一木便相安，齷鼠飲河豈可乾？大廈千間眠八尺，良田萬頃日三餐。

### 破貪

生前不帶一文來，死後一文不帶回；縱有兒孫能祭掃，野風吹散紙錢灰。

### 破求田

子弟賢能田作麼？不賢田廣又如何？怪他問舍求田者，積得兒孫依賴多。

### 破送老歸山

一棺長蓋髑髏身，隨業相牽休問津，卜得牛眠何所用？吉兇都付後來人。

### 破恩愛

二首

定情花朵憶當時，愛我何如連理枝，今日始嘗冤孽味，看來畢竟是情癡。  
恩愛何時方罷休？桃花逐水惹人愁，愛河載盡輪回苦，我欲投鞭斷此流。

### 破冤家

好合百年夢一場，冤家識破也尋常，何如放下都修去，我坐蓮花卿放光。

### 破癡愛

一自癡心來去頻，由貪生妒妒生瞋，傷心舊事重題處，正好借來種佛因。

## 顛倒

受報唯知搔首呼，種因那怕墮三途，纔遭旱魃求龍助，又毒江魚上市沽。

## 積非

舉世積非怪可憐，勸人唯是多存錢，教兒三字孝窮苦，暫得吟哦在膝前。

余有《傳家寶》，見拙著《長歌集》中。

## 破嬌妻

膝下相依能幾時？嘻嘻未必謂之慈，一朝聽慣枕邊話，應悔從前心太癡。

## 破慳用《儒林外史》故事二首

病榻彌留難再言，但將二指示兒孫，心思用盡才猜著，撥滅燈蕊始斷魂。  
瘦骨橫陳體尚溫，家人已在鬧喧喧，何嘗打算明朝死，猶指燈蕊多一根。

慳吝多招敗家子

靈前鼓鉞響，本利一齊開，恨不翻身活，將錢化紙灰。

官場

宦場濁世不堪嘲，貪網相纏黑似膠，縱得槐南充太守，醒來翻悔蟻同巢。

老母吟

丁逢亂世有誰親，老去何堪作難民？萬貫佳兒留海外，不如孤竹倚吾身。

買菜求增

買菜求增結惡緣，勃谿只爲半文錢，閻羅不比人間吏，判汝貪心餓萬年。

### 寬厚待僕

寬厚待人家道優，莫教惱亂總無休，聖經有喻宜遵守，篋罩毋籠踰谷牛。

### 桑姑

淡掃娥眉出綠疇，採來桑葉滿筐浮，村姑笑煞豪門女，只解將花插上頭。

### 愚誠

遙向山神亂叩頭，經旗高挂酒盈甌；蠻婆只解求衣食，竭盡忠誠未遣愁。

經旗：以布印經，繫之竹竿，插高山上，風過此經旗，遇者皆吉。

### 戲語

戲語王婆快發財，黃金翠玉滿堂堆，若還不解抽身出，八面財埋活不來。

破愛女三首

長到豐盈不久依，良緣得遇便于歸，一團墮地千金嫁，猶哭奩裝太些微。  
推乾就濕久相依，掌上明珠體漸肥，一到成年旋出嫁，反呼嫁出是于歸。  
學得女紅作嫁衣，文章夫婦兩投機，縱成家業非關母，一敗聲名便大歸。

俗見

俗見凡情已積非，前傳後度不相違，將來倒海移山力，難阻頽風向下飛。

小販

偏是富人到處忙，紛紛頭緒費周章，不如閒坐書攤販，只取明朝一口糧。

王婆苦

王婆正苦理田莊，兒哭鄰家飯已香，放下鋤頭探灶暖，從來不問爲誰忙。

## 即事

赴市王婆心繫家，油鹽柴米事如麻，甫歸山麓聞兒哭，恨不將身縮地爬。

## 生計苦

纔飯老牛又飼羊，冬來何草不曾黃？一年生計忙忙裡，誰肯死前辦道糧！

## 鄰僕窺窗

鄰僕窺窗慕道腴，欲相告語復如無，可憐纔倚窗前立，主婦高聲已在呼。

## 關道家身見

六首

何止坎離結小丹，莊嚴那比佛身壇？爲憐顧戀身財苦，不說無常上道難。  
仙家身內小天地，未了華藏全已備，試納純陽毛孔中，管教難出普賢鼻。  
舉世惟貪肉殼身，爲謀衣食養精神，睡功一訣金難換，只可欺瞞偷巧人。

縱然身變純陽體，誰見純陽猶有身？雞犬淮南何足羨，且休辜負本來人。  
純陽有句早知音，自悔從前錯用心，得見黃龍欣悟道，頓然拋卻舊時琴。  
調身取巧也無妨，切莫離經亂主張，仙佛昔年曾試火，于今不用再商量。

### 見大廈千間有感

縱然塗墨點窗格，也費畫工三日役，試問富人一具身，臥床能佔幾多尺？

### 老翁

曾歷兩朝治亂情，一年不比一年清，老翁慣道承平事，贏得兒孫腐朽名。

### 廢中元節有感

筆路先人孰敢忘？百年胼胝老田莊，中元誰解農民恨，暗裡含悲過祖堂。

過滬上某高樓十六層皆矮屋

誰識高樓盡矮屋？伸拳便與頂相築，何如幽谷小茅蓬，軒敞風來南面竹。

即事

此事由來宜隱藏，愈難得處愈難忘；于今鮮恥成風氣，野合無須到濮桑。

人情

何曾弄得此心安，幾陣悲愁幾陣歡，笑煞人情顛倒處，又從佛理一回酸。

笑問

笑問王君懼內麼？濃眉高壓小秋波，開誠也自笑相對，不怕將他又奈何？

## 人法

自古惟人遷就法，眞修志士遍山峽；于今以法遷就人，慧劍無由出寶匣。

## 破問舍求田

二首

病臥惟須七尺床，單身立地幾多長，橫行數步還離後，豈少旁人過此方。  
自覺紅塵過路身，沿門托鉢養精神，惟知佛法圖修證，不屬求田問舍人。

## 忍受牙痛

一齒能搖三兩年，搖完壽算幾多旬，拔牙何處無醫士，只惜娘生豈惜錢。

## 賣雞

飼養辛勤三兩年，黃昏上宿費周旋，不因明日無炊米，那肯輕售幾個錢。

讀《中央日報》蘇甦〈悔教兒女來美國〉一文有感<sub>三首</sub>

昔日吟哦已損神，居然苦事報端申，黃金國裡留兒女，竟是媚妻辱母人。  
高血壓中勿感傷，提攜乳哺且都忘，但憐兒女多忙碌，莫再咻咻添緊張。  
少女雖然暫順慈，當知輪到可來遲，何如早積川資好，趁此風氣未變時。

恕道

遇事先防自己錯，留心檢點看如何？到頭雖見人非是，恕道常存不怕多。

讀《亞洲詩壇》鄭鴻善〈登月詩〉有感<sub>九首</sub>

玉兔金蟾縱屬空，依稀想像有無中，癡人只解拈塵土，隻眼遙瞻有古風。  
廣寒仙子豈真空，不在凡夫俗眼中，試想行屍走肉者，幾人崇拜佛雄風？  
存心便到七重天，何用太空別駕船，多少禪師飛度去，道家雞犬豈虛傳？  
盈虛借此目觀空，水月曇花一樣同，膠柱安能知鼓瑟，妙音絃外播宗風。

詩人心地總宜禪，不落邪思科學纏；試問陶公過五柳，南山何處見悠然？  
吟物前賢早有詩，小題大做破愚癡，鏢絲釘解真如理，科學家中幾個知？

鏢絲釘：見本集《讚頌類》。

白髮三千丈，敢云非古詩，衡之科學理，卻是荒唐詞。  
最嫌科學強侵詩，心境廓然非所思，天地雖懸能卜泰，嫦娥幻想可神馳。  
只緣防匪佔先強，勞命傷財也主張，天上取來方寸土，人間失卻幾年糧。

### 破養兒待老又一首

七十三而八十四，如今不死將何事？兒謠如此我當知，何必老來愁棄置。

### 藉答占卜以解人苦悶 二首

獨處關中本自安，何須例外共悲歡，憐他苦悶無由解，數語開通心地寬。  
偶有檀施問卜來，柴門只趁課餘開，無分休咎談空理，令解愁容帶笑回。

## 笑問新年從何國曆

五方分慶新年回，畢竟春從何處來？獨喜中華陰曆好，名花盡向此時開。

## 防小儉二首

鄰友勸予防小儉，自思無物惹人謀，經書佛像雖難得，儉去由他好自修。  
我且無由自出售，明明可取不須儉，誰能發意求經典，願贈三篇三叩頭。

## 答友人問何不收門徒二首

雖無弟子立階前，五洲讀者逾三千，精思篤證能自勉，何用搖鈴擊鼓傳？  
作風不與別人同，天竺杜門久用功，真諦普傳全世界，未曾移步出關中。

## 進化論互助論各走極端

世俗言詮走極端，居然羅織理由看，惡緣爭鬥倡淘汰，善業還從互助觀。

見羔羊跳躍聯想鐵幕勞改營不覺淒然

草地羔羊跳躍頻，羨他猶有自由身，方之勞改營中者，反覺畜生勝過人！

鬃毛映水髮如白山野徑  
秋風掃葉落如歸鴉傷  
中老待餉浮子苦深藏

志岩處士自題

# 無常類

## 無常 二首

少年精進在書房，壯歲稽留名利場；入得禪門人已老，徒隨髮白哭無常。  
禪門豈止解無常，別有真如遍十方，要在多年空到底，淺嘗便逝更堪傷。

## 即事

日暮東村又弱嬰，老娘那得不傷情，牧童未解無常苦，笑學王婆哭子聲。

## 偶感

春到年年花事濃，人情幾見及時通，何當更倚花前立，反覺人無百日紅。

自傷

鬢毛映水髮疑白，山野經秋面帶黃，落照歸鴉傷半老，待鈎浮子苦深藏。

過尸林有感

害汝生平是守財，如今始悔不當該，年年滿地焚錢紙，幾個將身買活來！

燒尸  
二首

尸林時有死人燒，聞到腥煙心便焦；卻看鄰婆何所感，吐痰幾口向山腰。  
結茅何幸近尸林，柴塊骨灰刺激深，未卜腥煙吹到處，幾人聞得也驚心？

某婦猝卒其子猶憑棺索飯

病魔亂世更猖狂，剎那魂飛別一方，持碗小孩不解事，憑棺索飯疾呼娘。

## 失物

曾經我用已多年，既被人偷也淡然，多少世間珍貴品，有誰帶得到黃泉？

## 見某府宿懸某像闕如感賦此絕

昔年聲望播華僑，海外爭求妙手描，今日肖容何處去？壁間虛白了前朝。

## 觀喇嘛燒尸有感

三首

寶冠纓絡像殊超，脛骨吹來魂可招，我恨無常心過敏，依稀見彼也將燒。  
參禪絕意理生涯，衣食依人愧滿懷；安得養成三昧火，死來不費半根柴。  
一年三百六十朝，日日抬尸上嶺燒；曾記見他燒死者，今朝自死別人燒。

## 謝澄兄謂我較在廬山肥

十年相處共忘機，潦倒如今德業微，君已齒搖余半老，漫言比在匡廬肥。

離婚

蜜月鴛鴦未滿期，琵琶別抱唱花枝，癡兒惱煞新婚報，撕滅情投意合辭。

老翁嘆

宅接尸林也不休，老婆新買小黃牛，教翁笑罷長興嘆，牛乳未生人白頭。

尸林行吟

石塊柴灰冷未全，尸林正欲斷腥煙；行吟一首詩纔就，喪樂又傳到耳邊。

無題

宅近墓田楸，望雲空自浮，逢人無別話，但問幾時休。

## 老翁

老翁八十步蹒跚，策杖田園犯曉寒，不信山僧休息話，自云後腦未曾乾。

## 聞鳥聲

割麥插禾警農，鳥歌若余所耳：更莫蹉跎！更莫蹉跎！

## 某翁之妻中風賦此慰之

風吹一葉已驚秋，何事世間可久留？縱令百年長聚首，也惟淨土好回頭。

## 尸窞問

前尸未化正添油，又見新尸上嶺頭，破口尸窞欲借問，虛生浪死幾時休？

### 山洪淹沒人家

幾人懷想死緣多，但爲營生喚奈何；昨夜山洪埋數戶，夢魂家業付狂波。

### 南北冰山漸融化

聞道冰山漸化墟，世人大半陷爲魚，滄桑自古原多變，大好回頭參六如。

### 夢過破驛

身心論理兩相親，那得言行總契真；破驛荒山來夢裡，自知氣脈半殘人。

### 半老吟

齟根縮萎齒疑長，鏡面浮輝鬢欲霜，縱得脅尊年八十，半山坡路更頹唐。

### 夜半聞海螺聲

茅舍接山坪，寒林野草橫，孤眠憐鬼趣，夜半聽螺聲。

### 老漢嘆

誰苦無錢可買柴，古墳空穴棄兒骸，可憐老漢猶相較，勝彼殘生被活埋。

### 某富商死于旅邸

善賈曾誇寶可懷，于今旅邸剩孤骸，歸來縱得飛機運，未免人言鬧滿街。

### 薙髮

容光那比少年時，無計可排半老思，刺眼鬚鬚偏易長，總嫌髮匠到來遲。

東家

野草橫生誰剪裁？租居人盡是新來，東家已作黃泉客，花種風傳零亂開。

髮匠老矣

作客幾何年？匠人老更憐，知翁目漸短，移椅近窗前。

時客西竺閉關已六年矣。

半老

視遠惟因瞳孔縮，齷枯非是齒新長，年當半老宜勤勉，莫把中乾作外強。

見小姑假辮有感

幾人從少念無常？但解隨風逐俗忙，鄰婦苦難回總角，小姑搭髮正貪長。

癸巳冬間羅膺中兄西逝於前年泣賦此絕

夢裡早蒙天報喪，半疑半信總難忘，故人西逝經三載，猶在關中祝壽長！

即事

時間負荷滿頭霜，刻畫雞皮五斗糧，那比安貧無事老，童顏不改一生狂。

半頹嘆

贏得洛陽紙幾堆，此生精力半衰頹，是誰掌握時間者，還我少年血氣來！

悼泰山之頹

還從剛愎現天真，自是世間正直人，心相篇中曾記語，雖無子息死爲神。

### 賣花生老翁西去

此翁已七旬，常積兩年薪，今日長辭去，枯柴戶外陳。

### 鄰翁對任何國人皆操華語

逢人一口鄉音妙，汝屬何邦懶照料，屢見聰明人早殤，老翁八十猶年少。

### 蘅翁欽翁膺中兄兩三年間先後西歸泣賦此絕

兩三年裡便歸真，曾共密壇顧愛頻，哭向天公求惻憫，知交剩得不多人！

### 悼王熊鳳英女善信笑化

不修密法不參禪，只結庵堂香火緣，蓮社推爲和事老，居然一笑便登仙。

## 即事

名傳薄倖逾家山，只爲平生好掩關，辜負相窺窗外女，何曾見我鬢毛斑。

## 悼鄰翁

白髭常說舊公卿，八十年來古道橫，寧擺小攤窮到死，不隨邪說強偷生。

## 悼老翁

孤處卅年近小街，半攤糖果是生涯，老翁自喜安閒死，只剩門前一捆柴。

## 去年三嫂今年三娘

飢寒交迫何時了？白髮已同鄰嫗老，覽鏡如聞窗外聲，去年猶是呼三嫂。

## 及時樂

昨日花開四面香，今朝落謝在東牆；人生難得及時樂，再見花開髮已霜。

## 辛勤

須臾莫讓有蹉跎，點點鐘從定裏過，去年光陰尤足貴，頽唐不振是心魔。

## 美國汽車多，停車處少，故火災後即開作停車處

大火燒除鬧市場，無分寶號與教堂，孰知今日停車處，即是當年百貨商。

## 訪維乃斯印度教教堂

巒連萬綠抱平湖，三兩白鵝帶影趨，一自開山師逝後，空關幾座小茅蘆。

### 途遇人落金釵

誰家少婦落金釵，欲拾還疑遇合乖，未若淡然行過去，昏昏不起故園懷。

### 惜時

停車小住大街邊，費用須投未動先，志士勤修當憶念，一分時晷一分錢。

### 鬢斑

催人太甚是時間，挺進無停未肯還，不見絲毫追逐力，青青兩鬢已成斑。

### 念無常

才念無常便覺愁，鏡前未敢久羈留，見人髮白猶興感，況復蒼蒼上已頭。

密悟法師病後來訪

今朝相見喜康復，聞述苦情幾欲哭，頓令拋開地道愁，始知無病也清福。

悼鄰姑

題到因緣女淚流，鄰姑宿世本同儔，此生一吻便西逝，何日再來得共修。

十八變

女子居然十八變，面容秋水光先現，雙峯突起臀頤臙，花已開完飛後苑。

鄰家豬婆老死

瘦骨無肥作老娘，鄰家昨夜母豬亡，加鹽率性成乾脯，贏得人稱臘味香。